

## Նմուշ ստուգման ձեռնարկից

Կարճ և ընդարձակ պատասխաններով առաջադրանքների համար կազմվում է ստուգման ձեռնարկ՝ տարբեր ստուգողների կողմից գնահատումը հնարավորինս նույնականացնելու նպատակով: Առաջադրանքին տրվող պատասխանները կարող են լինել հետևյալ կարգերի՝ լիարժեք ճիշտ (ընդ որում լիարժեք ճիշտը կարող է ունենալ տարբերակներ), մասնակի ճիշտ և սխալ՝ տարատեսակներով (ենթադրելի սխալ պատասխան և անսպասելի սխալ պատասխան): Յուրաքանչյուր դեպքի համար տրվում է համապատասխան կողմից վերլուծությունը ըստ դրանց կատարելու համար: Առանձին կողեր են նախատեսում՝ նաև անհամապատասխան սխալ պատասխանի (ներառյալ՝ խզբզոց) և պատասխանի բացակայության դեպքերի համար:

Ընդարձակ պատասխան պահանջող **Նմուշ 8-ի** ստուգման ուղեցույց.

Կողը	Պատասխանը
	<b>Լիարժեք ճիշտ պատասխան</b>
20	Արսենի ուղղումը՝ <i>Առաքումն՝ անվճար</i> , Վարդուհու ուղղումը՝ <i>Առաքումն անվճար է</i> , կամ այլ ճիշտ ավելացրած բառ: Ընդունելի է նաև սխալների ճիշտ նկարագրիրը:
	<b>Մասնակի ճիշտ պատասխան</b>
10	Արսենի ուղղումը ճիշտ է, իսկ Վարդուհուինը՝ սխալ կամ չկա:
11	Վարդուհու ուղղումը ճիշտ է, իսկ Արսենինը՝ սխալ կամ չկա:
	<b>Սխալ պատասխան</b>
70	Կատարվել է որևէ մեկը ուղղելու սխալ փորձ:
79	Այլ սխալ (ներառյալ՝ խզբզոց)
	<b>Պատասխան չկա</b>
99	Դատարկ